

### ТРОПАРИ И БОГОРОДИЧНЫ ВОСКРЕСНЫ

**Тропарь, глас 1.** Ка́мени зна́менану от иуде́й, и во́ином стрегу́щим пречисто́е тѣло Твое́, воскресе́ в трéтии день Спа́се, да́руя мѝрови жи́знь. Сего́ ра́ди си́лы небесны́я вопи́яху Ти, Жизнода́вче: сла́ва воскресе́нию Ти Христé, сла́ва ца́рствию Ти, сла́ва смотре́нию Твоему́, еди́не Человеколю́бче.

**Богородичен.** Гаври́илу провещáвшу Ти Дéво, е́же раду́йся! И со́ гласом воплоща́шеся всех Влады́ка, в Тебе́ святéм кивóте, я́коже рече́ пра́ведный Давы́д. Я ви́ся простра́ннейши небес, поно́сивши Зиждите́ля Своего́. Сла́ва всельше́муся в Тя, сла́ва прошéдшему из Тебе́, сла́ва свободи́вшему нас рожество́м Твои́м.

**Ипакой.** Разбо́йничо пока́яние рай отве́рзе, плач же миронóсиц ра́дость возвести́, я́ко воскресе́ Господь, пода́я мѝрови ве́лию мѝлость.

**Тропарь, глас 2.** Егда́ сни́де к сме́рти, Животе́ безсме́ртныи, тогда́ а́да умертви́л еси́ блиста́нием Божества́. Егда́ же умёршия от преиспо́дних воскреси́, вся си́лы небесны́я взыва́ху Ти: Жизнода́вче Христé Бо́же, сла́ва Тебе́.

**Богородичен.** Вся па́че смы́сла, вся пресла́вная Твоя́, Богородице та́иньства; чистото́ю запечатле́нна, и дэ́вством храни́ма; Ма́ти разумéся нелóжна, Бо́га рожды́ши и́стиннаго; Того́ моли́ спаст́ся душа́м на́шим.

**Ипакой.** По́ страсти шéдше на́ гроб жены́ помáзати тѣло Твое́, Христé Бо́же, видеша́ а́нгелы во́ гробе и ужасóшася. Глас бо слы́шаху от них, я́ко воскресе́ Господь, пода́я мѝрови ве́лию мѝлость.

**Тропарь, глас 3.** Да веселя́тся небесна́я, и раду́ются земна́я, я́ко сотвори́ держа́ву мѝшцею Своёю Господь, попра́в сме́ртию сме́рть; Пёрвенец из ме́ртвых бысть, из чрева́ а́дова изба́вил ест нас; и пода́ст мѝрови ве́лию мѝлость.

**Богородичен.** Тебе́ Ходата́ицу спасéния рóда на́шего, воспева́ем Богорóдице Дéво. Плóтию бо, ею́же из Тебе́ прошéд Сын Твой и Бог наш, крэ́стную приéм стра́сть, изба́вил ест нас из ислéния, я́ко Человеколю́бец.

**Ипакой.** Удивля́я вндéнием, ороша́я глаго́ланием, блиста́яися А́нгел миронóсицам вещáше: что Жива́го и́щите во́ гробе; воста́ Испразднѝвыи грóбы. Тли пременѝтеля разумéйте Непремéннаго. Рцы́те Бо́гови: коль стра́шна дéла Твоя́, я́ко род спасл еси́ челове́ческии.

**Тропарь, глас 4.** Светло́ю воскресе́ния про́поведь, от А́нгела уве́дешше Господни́ учени́цы, и пра́деднее осуждéние отве́ргше, апо́столом хва́лящеся глаго́лаху: испровéржеся сме́рть, воскресе́ Христóс Бог, да́руя мѝрови ве́лию мѝлость.

## Тропари и Богородичны воскресны

Автор: Павел  
01.04.2012 13:09

---

**Богородичен.** Иже от века утаенное, и ангелом несведомое таинство, Тобою Богородице земным явися Бог в неразместе снятии воплощаем. И Крест волею нас ради восприм, им же воскреси пер вздан наго, и спасе от смерти душа наша.

**Ипакой.** Иже Твоего преславного востания, предтекше мирносицы, апостолом благовествоваху, яко воскресе Христос, яко Бог, подая миру велию милость.

**Тропарь, глас 5.** Собезначальное Слово Отцу и Духови, Еже от Девы рождающееся на спасение наше, воспоем вернии и поклонимся (**поклон**). Яко благоизволи плотию взяти на Крест, и смерть претерпети, и воскресити умершия в славное воскресение Свое.

**Богородичен.** Радуйся двери Господня непроходимая. Радуйся стено и покрове, прибегающим к Тебе. Радуйся заветреннее пристанище неискусобрачная, рождающая плотию Творца Своего и Бога, молящи не презри о воспевающих, и кланяющихся рождеству Твоему (**поклон**).

**Ипакой.** Ангельским зраком ум смущающе, и божественным востанием душа просвещающе, мирносицы апостолом благовествоваху: возвестите во языцех воскресение, Господу поспешествующу чудесы, подающему нам велию милость.

**Тропарь, глас 6.** Ангельския силы на гробе Твоем стрегущая омертвиша, и стояше Мария при гробе, ищущи пречистаго тела Твоего. Исироверже ада, не искушья от него. Среете деву, даруяи живот. Воскрес из мертвых, Господи слава Тебе.

**Богородичен.** Иже благословеную нарекии Матерь Себе, прииде на страсть волею Своею, восияв на Кресте. Взыскати хотя Адама. Глаголя ангелом: срадуйтемя, яко обретесе изгибшая драхма. Иже вся мудре устроивыи, Господи, слава Тебе.

**Ипакой.** Больною и животворною Ти смертью, Христе Боже, врата адова сокрушив, яко Бог. Отверзл еси нам древний рай. Воскрес из мертвых, избави из истления живот наш.

**Тропарь, глас 7.** Разруши Крестом Своим смерть, и отверзл еси разбойнику рай. Мирносицам плач преложи, и апостолом проповедати повеле, яко воскресе Христос, яко Бог, подая миру велию милость.

**Богородичен.** Яко нашему воскресению сокровище, на Тя надеющихся, Препетая, от рова из глубины прегрешения возведи. Ты бо повинныя греху спасла еси, рождыши Спасение наше. Яже прежде рождества Дева, и в рождестве Дева, и по рождестве паки Дева.

**Ипакой.** Иже наш зрак восприемыи, и претерпев распятие плотию, спаси мя

## Тропари и Богородичны воскресны

Автор: Павел  
01.04.2012 13:09

---

воскресением Си, Христэ Бóже, яко Человеколюбец.

**Тропарь, глас 8.** С вы́шних снѣде Милосѣрде, и погребѣние прѣят триднѣвно, да нас свободѣши от страстѣй. Животѣ и воскресѣние наше, слава Тебѣ.

**Богородичен.** Иже нас ради рождѣися от Дѣвы, и распятие претерпѣв Благѣи, испровѣргии смѣртию смерть, и воскресѣние явлѣи, яко Бог, не прѣзри их же созда рукою Своєю, яви человеколюбіе Своѣ Мѣлостиве, приими рождѣшую Тя Богородицу, молящуюся за ны, и спаси, Спасе наш, люди согрѣшшия.

**Ипакой.** Миронóсицы живода́вному предстояще грóбу, Влады́ку иска́ху в мѣртвых Безсмѣртнаго, и радóсть благовѣщениа от Ангела приѣмше, апóстолом возвещáху: воскресе Христóс Бог, подáя мѣрови вѣлию мѣлость.

**Сия тропари воскресны, глаголем по Великом славословии и по Трисвятом, во вся недели. Егда иерей изглаголет возглас: Яко Твое есть царство. Псаломщик глаголет: Аминь.**

**Егда во октаи глас 1, 3, 5, 7, глаголем сей тропарь:** Днесь спасѣние мѣру, поѣм воскресшаго из гроба, Начáльника животу́, Христá Бóга нашего; разрушив бо смерть, побѣду даде́ нам, и вѣлию мѣлость.

**Егда же глас 2, 4, 6, 8, глаголем:** Воскрѣс из гроба, úзы растерзáв, разрушил еси́ Гóсподи, смѣрти осуждѣние, и вся от сѣти неприязненыя избáвль. Яви Себѣ апóстолом Своим, и послáв их на́ проповедь, и тѣми мир Свой подал еси́ вселѣнней, едѣне Многомѣлостиве.